

**CONCELLO
DE VIGO**



POLÍTICA DE BENESTAR SOCIAL

ADDENDA Ó «CONVENIO DE COLABORACIÓN ENTRE O CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” PARA SUFRAGAR OS GASTOS DE ALUGUER E MANTEMENTO DO SEU LOCAL SOCIAL – ANOS 2019-2021»

En Vigo, na Casa do Concello, o [data da sinatura electrónica]

COMPARECEN

Dunha parte,

A Concelleira – Delegada da Área de Política de Benestar Social do Concello de Vigo, D^a Yolanda Aguiar Castro, asistida pola Secretaria de Goberno Local, D^a. M^a Concepción Campos Acuña.

Doutra parte,

D. Pedro Pereira Carballo, con DNI nº 33.105.786-T, Presidente da «Fundación Provincial Banco de Alimentos de Vigo», NIF nº G-36899375, con enderezo para os efectos de notificación na Avda. Alcalde Lavadores nº 102 de Vigo.

INTERVEÑEN

D^a. Yolanda Aguiar Castro, na súa condición de Concelleira – Delegada da Área de Política de Benestar Social do Concello de Vigo, dacordo cos Decretos do Alcalde – Presidente do 18.06.2019, de estruturación dos servizos corporativos municipais e delegación de competencias xerais e do 26.06.2019, de delegación de competencias específicas nos/as concelleiros/as delegados/as de Área (Apdo. Terceiro, Pto. 5).

D. Pedro Pereira Carballo, actuando en representación da «Fundación Provincial Banco de Alimentos de Vigo», segundo así resulta dos seus estatutos e da documentación achegada ó expediente, asegurando o comparecente que tales facultades non lle foron revogadas.

D^a. M^a Concepción Campos Acuña, Secretaria de Goberno Local, ós meros efectos de asistencia ó Sr. Alcalde – Presidente e dación da fe pública no outorgamento do presente documento.

Os comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,

EXPOÑEN

Páxina | 1



Copia do documento - Concello de Vigo

Data impresión: 14/05/2020 14:25

Páxina 1 de 3

Expediente 197297/301

CSV: 28E1E7-4482CD-2686A3-S1C93K-YUQS99-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

I. O 03.09.2019 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” PARA SUFRAGAR OS GASTOS DE ALUGUER E MANTEMENTO DO SEU LOCAL SOCIAL – ANOS 2019-2021», aprobado na sesión ordinaria da Xunta de Goberno Local do 01.08.2019 (Exp. nº 187528/301).

II. Constitúe o obxecto deste Convenio de colaboración a regulación dos termos da concesión da subvención directa prevista nominativamente nos Orzamentos xerais do Concello de Vigo a favor da «Fundación Provincial Banco de Alimentos de Vigo» para financiar os gastos de aluguer e mantemento do seu local social situado na Avda. Alcalde Lavadores nº 102 de Vigo.

III. Na súa Cláusula Terceira estableceuse o seguinte:

*«O Concello de Vigo, pola súa parte, comprométese a conceder directamente á «Fundación Provincial Banco de Alimentos de Vigo» unha **subvención para cada un dos exercicios de 2019, 2020 e 2021 por importe de 15.000€/ano (en total, polo periodo de vixencia do Convenio: 45.000€)** para para financiar os gastos de aluguer e mantemento do seu local social.*

O gasto do exercicio de 2019 imputarase á aplicación orzamentaria nº 2310.480.00.06. A subvención aboaráselle á Fundación mediante transferencia bancaria á súa conta corrente.

As achegas correspondentes a futuros exercicios (2020 e 2021) estarán condicionadas ó cumprimento dos obxectivos propostos e á existencia de crédito adecuado e suficiente nos respectivos orzamentos municipais...».

IV. Con todo, nos orzamentos anuais para o exercicio de 2020, aprobados definitivamente polo Pleno do Concello de Vigo o 23.12.2019 (BOP nº 247, do 27.12.2019) figura consignado, na aplicación orzamentaria nº 2310.489.00.13 (“Fundación provincial Banco de Alimentos de Vigo”), un importe total de **83.000€**, polo que resulta preciso proceder, mediante esta Addenda, á modificación daquela Cláusula do Convenio.

Aclárase que nesa contía global está incluído tamén o importe da subvención instrumentada mediante o «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” (2019 – 2021)», aprobado na sesión ordinaria da XGL do 04.07.2019 (Exp. nº 181139/301) e asinado o 15.07.2019, en virtude do que o Concello comprometeuse a achegar durante o seu periodo de vixencia unha cantidade de 43.000€/ano (aplicación nº 2310.489.00.13 - “Convenio Banco de Alimentos”); achega que non se modifica.

O incremento presupostario real de 2020 (25.000€) impútase, polo tanto, só ó concepto de gastos de aluguer e mantemento da nave da Avda. Alcalde Lavadores nº 102 de Vigo que xestiona a Fundación, pasando de 15.000€/ano a 40.000€/ano.

V. Dacordo co previsto na súa Cláusula Vixésima: «Calquera alteración do contido deste Convenio precisará do acordo das partes asinantes e da autorización municipal do órgano competente e instrumentarase mediante a correspondente Addenda».

Tendo en conta o anteriormente exposto as partes,

ACORDAN

«PRIMEIRO: Modificar a Cláusula Terceira do «CONVENIO DE COLABORACIÓN ENTRE A CONCELLERÍA DE POLÍTICA SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” PARA SUFRAGAR OS GASTOS DE



ALUGUER E MANTEMENTO DO SEU LOCAL SOCIAL – ANOS 2019-2021», que quedará coa seguinte redacción:

«O Concello de Vigo, pola súa parte, comprométese a conceder directamente á «Fundación Provincial Banco de Alimentos de Vigo» unha subvención para os exercicios de 2020 e 2021 por importe de 40.000€/ano (en total, polo periodo que resta de vixencia do Convenio: 80.000€) para para financiar os gastos de aluguer e mantemento do seu local social.

O gasto correspondente ó exercicio de 2020 imputarase á aplicación orzamentaria nº 2310.489.00.13 (“Fundación provincial Banco de Alimentos de Vigo”). A subvención aboaráselle á Fundación mediante transferencia bancaria á súa conta corrente.

As achegas correspondentes a futuros exercicios (2021) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais...».

SEGUNDO: A presente Addenda estará en vigor durante a vixencia que resta do Convenio suscrito o 03.09.2019 entre a Concelleira delegada de Política de Benestar Social e o representante da «Fundación Provincial Banco de Alimentos de Vigo».

E en proba de conformidade, as partes asinan esta Addenda, por duplicado exemplar, no lugar e data expresados no encabezamento, de todo o que eu, como Secretaria de Goberno Local, dou fe.

POLO CONCELLO DE VIGO,
Asdo.: Yolanda Aguiar Castro

Perante mín,
A SECRETARIA DE GOBERNO LOCAL,
Asdo.: M^a Concepción Campos Acuña

POLA «FUNDACIÓN PROVINCIAL
BANCO DE ALIMENTOS DE VIGO»,
Asdo.: Pedro Pereira Carballo

